

**ЎЗБЕКИСТОН РЕСПУБЛИКАСИ ФАНЛАР
АКАДЕМИЯСИ МИНТАҚАВИЙ БЎЛИМИ
ХОРАЗМ МАЪМУН АКАДЕМИЯСИ**

**ХОРАЗМ МАЪМУН
АКАДЕМИЯСИ
АХБОРОТНОМАСИ**

Ахборотнома ОАК Раёсатининг 2016-йил 29-декабрдаги 223/4-сон қарори билан биология, қишлоқ хўжалиги, тарих, иқтисодиёт, филология ва архитектура фанлари бўйича докторлик диссертациялари асосий илмий натижаларини чоп этиш тавсия этилган илмий нашрлар рўйхатига киритилган

2021-1

**Вестник Хорезмской академии Маъмуна
Издается с 2006 года**

МУНДАРИЖА
БИОЛОГИЯ ФАНЛАРИ

Dadayev S., Saparov K. Organik olam va hayvonot dunyosining zamonaviy sistemasi asosda yangi o'quv adabiyotlari yaratish	6
Ro'zimov A.D., Sheraliyev B.M., Yo'ldoshev K.R., Jalolov E.B. Quyi Amudaryo havzasi ixtiofaunasining hozirgi taksonomik holati	10
Абдуллаев Э.Н., Халимов Ф.З., Ҳамзаев Р.А., Раҳимов М.Р., Усанов У.Н., Алиев Д. Зарафшон тоғ тизмасида коврак (<i>Ferula kuhistanica</i>) энтомофаунасининг тур таркиби	15
Абдурасулова С.Ш., Базарова Р.Ш. <i>Candalaria rutellum</i> нинг биологияси ва ҳаёт цикли	22
Авезова У.М., Сатторова Ф.Ю., Маткаримов Н.Б. Тупроқ таркибидаги гумус миқдорининг ҳосил бўлишида ўсимликларнинг экологик аҳамияти	27
Акбаров Ф.И., Жабборов А.М., Тожибаев К.Ш. <i>Ranunculus rubrocalyx</i> Regel ex Kom. географик тарқалишини моделлаштириш ва унинг таҳлили	29
Бекчанов Х.У., Дусчанов У.Э., Комилжонова Г.К. Фауна жесткокрылых (<i>Insecta, Coleoptera</i>) Хорезмского оазиса	37
Ибадуллаева Ю.О., Рахматова К.И., Бозорова Г.С., Тожибоев Ш.Ж., Махкамов Т.Х. Ўзбекистон миллий гербарийси ноёб илмий объектида сақланаётган <i>Corydalis</i> Dc. туркуми турларининг таҳлили	40
Маткаримов Ф.И., Бабоев С.К. Микробиологик препаратларнинг мош (<i>Vigna radiate</i> L.) ўсимлиги маҳсулдорлигига таъсири	46
Рахимов М.Р. К фауне мух-журчалок (<i>Diptera, Syrphidae</i>) Зарафшанского хребта	49
Рашидов Н.Э., Қувватов С.Қ., Элмуродова Н.Н. Денгизқўлидаги балиқлар турини аниқлаш	54
Рўзиева И.Ж. Арзиқли ва гипсли тупроқларнинг ўрганилиш ҳолати	57
Содиқова Д.Г., Нуралиев Х.Х., Мирзаев А.Э. Сурхон воҳасидаги дендрарий боғи	59
Хайдаров С.М., Хўжамшукуров Н.А., Абдиназаров Х.Х. <i>Daphnia magna</i> ни етиштиришда озуқа манбаи сифатида микросувўтларидан фойдаланиш	62
Халимов Ф.З. Особенности сезонной динамики почвенных хищников (<i>Coleoptera: Staphylinidae, Carabidae</i>) в агроландшафтах	65
ТАРИХ ФАНЛАРИ	
Aliev Sh. The life and heritage of Sufi Ollayor	70
Jumaeva N.A. Quyi Zarafshon vohasi dehqonchilik madaniyati tarixidan	72
Jumaniyozova S.Sh. Olim M.M. Gerasimovning ilm-fan taraqqiyotiga qo'shgan hissasi	76
Murodova D.Sh. Ta'lim muassasalari faoliyatiga doir Buxoro viloyati davlat arxivi fondlariga tavsif	78
O'tayeva F.X. Ashtarxoniy hukmdorlari boshqaruv faoliyati mustaqillik yillaridagi matbuot talqinida	80
Абдиримов Р., Собиров С. Пахлавон Маҳмуд яшаган тарихий давр	83
Ахматов А.Х. Таълим тизимида ислохотлар учун кураш	84
Бахриев О.А. “Ал-Жамиъ ас-Саҳиҳ” асарининг тўлиқ номи	87
Бекимметов У. Коллективлаштириш даврида Хоразмдаги немис меннонитларининг ер эгаллиги	89
Бобожонова Ф.Х. Бухоро амирлигидаги жадид мактабларининг фаолияти	92
Кличев О.А. Крим даврий матбуотида Бухоро амирлари ташрифларининг ёритилиши	96
Курбанов Б.Г. Средневековые литейные формы из Бухары	98
Қудратов Ш.Ё. Бухоро амирлигининг шарқ халқлари билан савдо алоқалари тарихидан	100
Қурбонова М.Б. Генерал-шарқшунос Н.С. Ликошин фаолиятига бир назар	103
Мансуров М. Собик Совет даврида туризмнинг ривожлантиришнинг мафкуравий асослари	106
Мансуров М.Ш. Совет иттифоқи йилларида Фарғона водийсида туризмнинг аҳволи	109
Мирзаев А.А. Совет иттифоқи йилларида Фарғона водийсида зиёрат туризмнинг ўзига хос хусусиятлари	113
Мубинов М.А. Дипломатические и посольские отношения среднеазиатских ханств с Османской империей	116
Раджабов О.А., Қаландаров Х.Х. Замонавий тарихшуносликда “Катта ўйин” масаласи	119
Салаев И.Б. Хоразм архитектурасида синч усулидан фойдаланиш ва унинг аҳамияти	123
Таджиева Ф.Дж. Хива хонлигида кулчилик муносабатларида аёллар ўрни масаласи	127
Тўраев А.И. Ўғуз қабила ва уруғларининг туркман халқини шаклланишидаги ўрни	129

**КРИМ ДАВРИЙ МАТБУОТИДА БУХОРО АМИРЛАРИ ТАШРИФЛАРИНИНГ
ЎРИТИЛИШИ**

О.А. Кличев, докторант (DSc), Бухоро давлат университети, Бухоро

Аннотация. Мазкур изланишида Россия давлат кутубхонасида сақланаётган “Крымский курьер”, “Крым”, “Крымский вестник” каби газеталардаги Бухоро амирларининг Россия империяси ҳудудига амалга оширган таширф тафсилотлари хусусидаги маълумотлар тадқиқ этилган. Газеталардаги маълумотлар ўрганилаётган масалага доир архив ҳамда сафар таассуротлари натижасида ёзилган хотиралардаги маълумотларни тўлдиришга хизмат қилиши кузатилади.

Калим сўзлар: *Амир Абдулахад, Ялта, фахрий фуқаро, Севастополь, Ливадия саройи, газета, Император Николай II, Симферополь, васаллик тушунчаси*

Аннотация. В данном исследовании изучаются сведения о подробностях визитов Бухарских эмиров на территорию Российской империи, в таких газетах как “Крымский курьер”, “Крым”, “Крымский вестник”, хранящихся в Российской государственной библиотеке. Сведения из газет послужили дополнению сведений из воспоминаний, написанных в результате изучения архивных документов, а также впечатлений о визите, связанных с исследуемым вопросом.

Ключевые слова: *Эмир Абдулахад, Ялта, почётный гражданин, Севастополь, Ливадийский дворец, газета, Император Николай II, Симферополь, понятие «вассальства»*

Abstract. In this study, the information on the details of the visit of the emirs of Bukhara to the territory of the Russian Empire in such newspapers as “Krimsky Courier”, “Krim”, “Krimsky vestnik”, which are kept in the Russian State Library, was investigated. It was observed that the information in the newspapers served to fill the information gap in the memories recorded as a result of the archive and the impressions of the trip on the subject being studied.

Keywords: *Emir Abdulakhad, Yalta, honorary citizen, Sevastopol, the Palace of Livadia, newspaper, Emperor Nicholas II, Simferopol, the concept of vassal*

Крим даврий нашрлари тарихига доир маълумотларга кўра, Россия империяси таркибидаги Таврическ губерниясида дастлабки матбуот 1838 йилда ташкил этилган. 1838-1917-йиллар оралигида ушбу ҳудудда уч юздан ортиқ даврий нашр (журнал, газета, бюллетень, эстлатма)лар чоп этилган [1: 291-297].

Амир Абдулахад ҳамда Олимхонларнинг Крим минтақасидаги ташрифини ёритишга хизмат қилган “Крым”, “Крымский курьер” ва “Крымский вестник” маҳаллий нашрлари ҳам мавжуд. Россия давлат кутубхонаси фондида ишлаш жараёнида уларнинг фақат айрим йил ва сонларигина мавжудлиги аниқланди. Тадқиқ этилаётган масалага тегишли манбалар қаторида ушбу газета маълумотлари ҳам ўрганилди. Мазкур газеталарнинг амир ташрифини ёритишдаги ўрни, улардаги мақолаларнинг мазмуний ва ўзаро бир-биридан фарқли томонларининг таҳлили ҳам амалга оширилди. Энди уларнинг ҳар бирини тадқиқ этсак:

“Крым” газетаси Симферополда нашр этилган ижтимоий, адабий ва сиёсий газета. Унинг сонлари байрам кунларидан ташқари ҳар куни Симферополдаги Е.А.Муратов типографиясида чоп этилган. Газета Симферополь, Санкт-Петербург, Феодосия, Бердянск, Ялта, Керчь, Мелиополь шаҳарларида ўз вакиллик муассасаларига эга бўлган. Газета “Телеграмма Крыма”, “Вести и факты”, “Дневник печати”, “Хроника”, “Фельетоны Крыма”, “Искусство и литература”, “Корреспонденции (От наших корреспондентов)”, “Внутренние известия”, “Внешние известия” каби рукнлардан иборат. Бухоро ҳукмдорининг Симферополь орқали Ялтага йўналганлиги сабабли “Крым” газетаси амирнинг ушбу шаҳардаги ташрифини ёртишга хизмат қилган.

Газета хабарлари амирнинг қайси ҳудудга қандай транспорт воситасида ҳаракатланганлиги ҳақида маълумот беради. Бухоро амирининг ташрифига доир хабар ва мақолалар газетанинг “Хроника” рукнида ёритилган.

Газетанинг ҳар кунда чоп этилиши ундаги хабар матнининг қисқа шаклида берилишига хизмат қилган.

Россия империясининг марказий ҳамда маҳаллий нашрлари Бухоро амирининг илк ташрифини ёритишдан олдин амирлик ва империя ўртасидаги муносабатлар тарихи, унинг жорий ҳолати хусусида ўз муштарийларини хабардор этишга интиланган. “Крым” газетаси саҳифаларидаги мақола матни билан танишиш жараёнида икки давлат муносабатларининг мавжуд ҳолати хусусида қуйидагилар баён этилганлигини кўриш мумкин.

“Дарвоқе, бизда нимагадир Бухорони Русия вассали деб ўйлашади. Бундай қараш тўғри эмасди. Ўз сюзерени(ҳукмдори)га ўлпон тўлайдиган ҳамда унинг ёрлиги билан тахтга чиқариладиган киши вассал деб аталади. Россия ва Бухоро ўртасида бунга ўхшаши муносабат мавжуд эмас, Бухоро бутунлай мустақил ҳисобланиб, фақатгина Россия таъсир доирасида бўлиб, давлатимиз билан яқин

дўстона муносабатдадир. На ўллон, на инвестирура (тахтга чиқишни расмийлаштириши) ҳақида гап бўлиши мумкин эмас. Марҳум Александр Александровичнинг Бухоро амиридан орден қабул қилгани Бухоронинг Россияга нисбатан ҳаёлий вассалона муносабат тўғрисидаги фиркларни рад этади. Зеро, сюзерен ҳеч қачон ўз вассалидан орден қабул қилмайди. Муҳтарам меҳмонларимизнинг келиши ҳақида мана шуларни айтишни лозим деб билдим [2].

Ушбу маълумотлар амир ва император ўртасидаги ҳукуматлараро алоқалар вассал ва ҳукмдор муносабатлари эмас, балки яқин қўшничилик доирасидаги муносабатлар эканлиги тўғрисида империя жамоатчилиги ўртасида ижтимоий фикрни шакллантиришга қаратилганлигини кўрсатади.

"Крым" газетаси маълумотларидан Бухоро амирининг Севастополь ва Ялтага қайси саналарда ташриф буюргани, Симферополда кимлар томонидан кутиб олинганлиги ҳамда амирлик орден ва медалларига муносиб топилган маҳаллий амалдор ва маъмурлар тўғрисида ҳам билиб олиш мумкин. Шу билан бирга газетада амирнинг Ялтадан Бухорога қайтиш йўналиши ҳақида хабарлар берилган.

"Кеча 1 апрелда Бухоро амири жаноби олийлари тоғ йўли орқали Ялтадан Боғчасаройга, у ердан поезд билан Симферополь, Синельникова, Ростов-на-Дону, сўнгра Кавказ ва Бухорога жўнаб кетди" [3].

"Крымский вестник" газетаси ҳам амирнинг Қрим ташрифларини ёритган нашрлардан биридир. Газета "Телеграммы", "Между прочим", "Хроника", "Корреспонденции (от наших корреспондентов)", "Внутренний отдел", "Заграничная жизнь" каби рукнлардан иборат бўлган. Газетадаги хабарларда Қримнинг Боғчасарой ҳамда Симферополь шаҳарларидаги воқеалари ҳам ёритилади. Улар газетанинг ўз мухбирлари томонидан тақдим этилган маълумотлар асосида чоп этилган. Ушбу газета ҳам кунлик нашр эканлиги боис амир ташрифларига доир маълумотлар, асосан, "Хроника" рукнида бериб борилган. Улардаги хабарлар асосида амирнинг Севастополга келиши, унга ҳамроҳлик қилган амирлик ва империя амалдорлари ҳамда худуд маъмурлари томонидан кутиб олиниши ва амирлик орденларига муносиб шахслар, улар эгаллаб турган мансаб ва лавозимлар ҳақида тушунчага эга бўлишимиз мумкин.

Архив ҳужжатларида деярли учрамайдиган Бухоро амирининг Қримда амалга оширган учрашувларига доир маълумотлар "Крымский вестник" саҳифаларида ҳам чоп этилиши муҳим аҳамият касб этади. Шундай маълумотлардан бири Бухоро амирининг Ливадияда Император Николай II ва унинг оила аъзолари ва империя амалдорлари иштирокидаги нонушта тафсилотларидир.

"3 сентябрь куни Бухоро амири Сайид Абдулаҳад Ливадияга нонушта қилиш учун тақлиф қилинди. Ливадия саройининг катта ошхонасида 26 кишилик дастурхон тuzатилган. Стол марказида Ҳукмдор Император, унинг яқинида сарой вазири генерал-адъютант барон Фридерикс, Олий ҳазратнинг ўнг томонида Бухоро амири жойлашган эди. Ҳукмдор Император Бухоро ордени лентасида, Бухоро амири жаноби олийлари эса Муқаддас Андрей ордени ленталарида эдилар" [4].

Бу каби хабарлар амир Қрим минтақасида ҳам Россия императори билан учрашганлигини тасдиқлайди.

Хабарлар орасида Бухоро амирининг Ялтада қурилган саройи ҳақида куйидаги маълумотларни учратамиз.

"Жаноби олийлари Ялтанинг энг гўзал беагаи деб ҳисобланган ўз саройида жойлашди. Сарой шарқона ҳашамат билан безатилган. Хоналарининг эртақнамо жиҳозланиши у ерга таширф буюрувчиларни ҳайратга солади. Саройнинг тунги кўриниши юзлаб турли рангдаги чироқлар ёруғида ажойиб таассурот уйғотади"[5].

Сарой очилиш маросими хусусида Ялта шаҳрида чоп этилган "Крымский курьер" газетасида ҳам куйидаги маълумотларни учратиш мумкин.

"[...] Шундан сўнг жаноби олийларига қурилиш ишларининг бошқарувчиси М.М. Гвоздевич нон ва туз, сарой қурувчилари муҳандис В.Г. Тарасов, архитектор Н.Г. Тарасовлар баҳмал ёстиқча устига [қуйилган] сарой дарвозаси калитини тақдим этдилар. Жаноб олийлари шахсан ўзи дарвозани очиб ичкарига кирди ва таширф буюрганларнинг барчасини саришта-сарамжон, тропик ўсимликлар билан безатилган меҳмонхонага тақлиф қилди. Меҳмонхонанинг ўртасида ҳар хил шириликлар ва таомлар турган стол тайёрланган эди. У меҳмонларни шу дастурхонга тақлиф этди"[6].

Империя, айниқса, Қрим минтақаси аҳолиси амирнинг Ялтага ташрифларига қизиқиш билдирган. Натижада, маҳаллий нашрлар ушбу масалани кенгроқ ёритишни мақсад қилган. Юкоридаги икки кичик маълумот орқали амирнинг Ялтадаги саройи шарқона услубда қурилиб шаҳарнинг беагаига айланганлигини, қурилишга раҳбар этиб М.М.Гвоздевич, муҳандис В.Г.Тарасов ҳамда архитектор сифатида Н.Г.Тарасовлар жалб этилганлигини билиш мумкин.

"Крымский курьер" газетаси ҳам "Телеграммы", "Хроника", "Вести и слухи", "Обзор печати", "Маленький фельетон", "Библиография", "Вечерние телеграммы", "Иностранные известия", "Справочный отдел" каби рукнлардан иборат. Бу газетада тадқиқ этилаётган масалага доир маълумотлар ҳам қисқа хабар шаклида берилади. Шу ўринда мазкур газетада Бухоро амири Ялта

шахрининг фахрий фуқароси ҳамда шаҳардаги кўчаларнинг бири унинг номи билан аталиши ҳақидаги маълумотлар чоп этилганлигини алоҳида таъкидлаш керак:

"31 март, якшанба куни Ялта шаҳри бошлиғи Н.Н.Чегодаев Таврическ губернатори орқали Ички ишлар вазирининг хабарига кўра Хукмдор императорнинг марҳамати билан, Бухоро амири жаноби олийларига Ялтанинг биринчи фахрий фуқароси унвони ҳамда Могаби кўчасига Бухоро амирининг номи берилганлиги ҳақидаги хабарномани олди".

Ёки:

"[...] Жаноби Олийларига самимий юсак эҳтиромни намён этиш мақсадида Ялта шаҳри Думаси куйидагича қарор қабул қилади: Могаби кўчасига Бухоро амири жаноби олийларининг номини бериш ҳамда Бизни бахтиёр этган ҳолда Ялтанинг биринчи фахрий фуқароси унвонини олишингизни илтимос қилади"[7].

Бу Амир Абдулаҳаднинг шаҳар маъмуриятига кўрсатган ёрдамларининг эътирофи эди. Чунки Бухоро хукмдори Ялтада шахзода Алексей Николаевич номидаги мактаб курилиши учун 20.000 рубль миқдорида ҳамда яна бир неча йўналишларда хайрия ишларини амалга оширган.

Мазкур кичик тадқиқот юзасидан куйидаги мулоҳазаларни билдириш ўринли.

Амир Абдулаҳад ҳамда Олимхонларнинг Қрим - Боғчасарой, Симферополь, Севастополь, Ялта шаҳарларига амалга оширган ташрифларига доир муҳим маълумотларни *"Таржимон", "Крымский курьер", "Крым", "Крымский вестник"* каби маҳаллий газеталар ўз саҳифаларида ёритганлар.

Тадқиқот жараёнида архив ҳужжатлари ва сафар таассуротлари натижасида ёзилган хотираларда учрамайдиган Бухоро амирларининг империя бўйлаб ташриф тафсилотлари, ҳудудлардаги даврий матбуот нашрларида кенгрок ёритилганлиги кузатилди. Бу ўз навбатида мазкур турдаги манбаларни яхлит ҳолда ўрганиш орқали тадқиқ этилаётган масалани теран ва аниқ англаш имконини яратади.

ФЙДАЛАНИЛГАН АДАБИЁТЛАР РЎЙХАТИ:

1. Конрадская В.Л., Сидоренко И.И. Пресса Крыма сто лет назад // Ученые записки Таврического национального университета им В.И. Вернадского. Серия «Филология. Социальные коммуникации». -Т.25(65). Часть 1, -С.291-297.
2. Балабуха Н. Письма к читателям // Крым. 1896 год 8 июня, №127.
3. Хроника // Крым. 1902 год 2 апреля. №73.
4. Пребывание Их Императорских Величеств в Ливадии // Крымский вестник. 1909 год 5 октября, №255
5. Корреспонденции. (От наших корреспондентов) – Ялта, 5 го июля // Крымский вестник. 1904 год 6 июля, №172
6. Прибытие в Ялту Его Высочества генерал-адъютанта Сеид-Эмир Абдул Ахад хана Эмира Бухарского // Крымский курьер. 1904 год 6 июля, №151
7. Хроника // Крымский курьер. 1904 год 1 сентября, №199.

УДК 93/94

СРЕДНЕВЕКОВЫЕ ЛИТЕЙНЫЕ ФОРМЫ ИЗ БУХАРЫ

Б.Г. Курбанов, Бухарский Государственный Университет, Бухара

Аннотация. *Мазкур мақола X-XII ва XV – XVI асрларга тегишли кичик ҳажмдаги металл буюм қисмларини куйиш учун ишлатилган, Бухоро шаҳрида амалга оширилган археологик қазималар жараёнида топилган уч дона қолипларнинг шарҳига бағишланган. Бундан таиқари, мақолада боиққа тош ва сополдан ясалган қолиплар кўриб чиқилади ва уларнинг ўрта асрлар Бухоро заргарлик ва металлсозлик ишида куйма техниканинг ривожланишидаги ўрни очиб берилади.*

Калим сўзлар: *иш куроли, қолип, куйма, тош, сопол, ўйма*

Аннотация. *Данная статья посвящена предварительному обзору трех литейных форм найденных в процессе археологических раскопок на территории города Бухары, датируемых X-XII вв., XV – XVI вв. и использовавшихся для литья небольших металлических деталей. Также, рассматриваются другие каменные и керамические формы и раскрывается их роль в развитии литейной техники в ювелирном и металлическом деле средневековой Бухары.*

Ключевые слова: *инструмент, форма, литьё, каменные, керамические, гравировка*

Abstract. *This article deals with a preliminary overview of three casting molds found in the process of archaeological excavations in the territory of the city of Bukhara, dating back to the tenth-twelfth and fifteenth-sixteenth centuries respectively and used for casting small metal parts. Moreover, other stone and ceramic casting molds are considered and their role in the development of casting technology in the jewelry and metal crafts of medieval Bukhara is revealed.*

Keywords: *instrument, mold, casting, stone, pottery, engraving*

В ходе археологических раскопок, проведенных на территории города Бухары археологами, в разные годы, было найдено несколько средневековых форм для литья небольших металлических